

01. 買油甘果

真久以前，印度有一个大頭家，伊真愛食油甘果(iû-kam-kó)，有一冬趁收成的時陣，伊派下跤手人——阿明去產地，買上鮮的油甘果。

阿明四界走揣、探聽，總算揣著一片真有名的果子園。園裡挂仔好咧採收，逐家攞無閒頤頤(bô-îng-tshih-tshih)，毋過果子園的主人猶是誠熱情接待伊。主人𪗇(tshuā)阿明去看挂才挽的油甘果，一粒一粒逐粒攞仁仁仁。阿明想著大頭家的向望(ng-bāng)，就欲試食看覓，若好食才敢買。

果子園的主人誠有自信講：「我遮的油甘果品質是全印度上好的，食過的人攞呵咾甲會觸舌(o-ló kah ē tak-tsih)。佳哉你較早來，無，若送去市仔，連鞭就賣甲空空空。」

阿明聽著真歡喜，毋過無食過，伊袂放心，猶是堅持欲試食！主人看這個人穿插真講究，嘛無問價數(kè-siāu)，想講應該是一个大主的，隨切一粒予伊試看覓。

「真正有影好食！」阿明食了真呵咾。主人聽了喙笑目笑，就問阿明想欲買佻濟？阿明講：「你欲按怎保證其他的果子嘛全款遮好食？閣較免講遮爾仔濟果子樹，生出來的果子敢會攞總全款？」

主人感覺這個人客講袂伸掉(tshun-tshia)，問伊講：「敢講你愛逐粒食過才欲買？」阿明聽著嘛無生氣，顛倒講：「這嘛是一个好辦法！就麻煩你逐粒攞切一寡仔予我試食，若氣味攞遮好，我就全部總買！」講了隨提一袋金仔出來，證明家已買

會起。

主人頭一擺看著這款人，金仔送入門，無拒絕的道理！趕緊吩咐人去提上好的油甘果，閣有人共逐粒果子切一塊仔予伊試食、裝袋仔、秤重、算錢。阿明一喙繼一喙，食甲規腹肚甘甜好滋味的油甘果。落尾，伊用彼袋金仔買一大堆油甘果，車規車全印度上好食的油甘果倒轉去。

轉去了後，頭家隨提一粒油甘果大喙就欲食落去，「欸……，這哪會爛一跡？」伊提別粒來看，發現逐粒攞有爛去的所在。頭家看著規車爛的油甘果真受氣，懷疑阿明是毋是將金仔提去跋筊(puáh-kiáu)。

阿明真驚惶(kiann-hiānn)，辯講：「無可能啊！攞是在穰現挽的，哪有可能會爛去？我攞有試食，逐粒攞足甜、足芳的啊！」大頭家聽著強欲昏倒，看著邊仔胡蠅颺颺飛(iānn-iānn-pue)，伊嘛毋知欲按怎講這籊阿明仔！

02. 孔雀王

真久以前，有一隻孔雀王，伊有五百个孔雀王妃，個定做伙去遊山玩水。有一日，孔雀王看著一隻真嬌的白孔雀，伊真煞心（sannh-sim），就放揀（pàng-sak）彼五百个孔雀王妃，佢白孔雀離開，日子過甲逍遙閣自在。

全彼个時陣，有一个人類的王后破病誠久攞病袂好，國王為著王后的病真操煩。有一暝，王后夢著孔雀王共伊講：「你的病若欲會好，就愛咁我親身加持過的水。」王后精神了後就共夢境（bāng-kíng）講予國王知。國王隨揣真濟人去揣孔雀王，也宣布講：「啥人掠著孔雀王，就送伊一百兩黃金佢一个美人予伊做某。」

聽著遮爾好的條件，真濟人入山去掠孔雀王。尾仔，有一个人掠著孔雀王，孔雀王共伊講：「放我走，我會當予你規粒山的黃金。」彼个人講：「掠你轉去，國王會賜我黃金佢美人，按呢我就滿足矣！」所以伊就共孔雀王掠轉去獻予國王。

孔雀王共國王講：「你會使共我加持過的水予王后咁，若王后的病無好，欲按怎隨在你。」王后咁孔雀王的水以後，病真緊就好矣。從此以後，宮裡大大細細，便若破病，咁孔雀王的水攞會好，真濟百姓嘛來求水治病。

過一段時間，孔雀王閣共國王說：「這馬恁國家所有的疑難雜症攞好矣，百姓將我當做若天神供養，我已經無想欲離開矣。你會使共索仔啟開（tháu--khui），予我日時會使佇天頂飛，暗時才轉來厝裡歇睏。」國王隨叫人共索仔啟開。

幾若個月過矣，有一日，孔雀王倚（khia）佇厝頂微微仔笑，國王問伊：「啥物代誌遮好笑？」孔雀王講：「我笑天下有三癡，頭一个，是我家己。我本成有五百个王妃，為著白孔雀放揀個，才會予人掠著，這是我的癡；第二，是掠我的人。我答應欲予伊規粒山的黃金，他煞放棄，這是伊的癡；第三，是國王你啊！你毋知愛共我縛咧，顛倒予我自由，予我會當隨時飛走，這是第三个癡啊！」孔雀王講了就越頭做伊飛走……。

03. 狐狸報恩

以早，山裡有五百隻狐狸恰一群獅仔，狐狸定定偷偷仔綴佇獅仔後壁，等獅仔掠著牛仔、馬仔、鹿仔，抑是其他動物，食飽離開了後，狐狸就會出來食獅仔食賄（tshun）的物件。就按呢，獅仔見若有一頓仔通食，狐狸嘛有。狐狸逐工攞著愛靠獅仔，才袂枵腹肚。獅仔知影狐狸綴佇後壁，偷偷仔吮食（tshng-tsiäh），嘛無恰伊計較，食食（tsiäh-sit）原在。

有一暗，獅仔王感覺腹肚枵，出來揣食的，狐狸全款綴牢牢，欲趁機會吮食。猶毋過，彼暗無月娘，山內暗趣趣（àm-sô-sô），獅仔王無細膩煞跋入去一个深坑內，跔（peh）袂起來。狐狸看著，個知影這聲吮食無望，無管獅仔王的死活，一个仔一个走了了。干焦賄一隻狐狸倚（khiā）佇深坑邊仔，伊心內佇咧想講：「我逐工攞食獅仔食賄的物件，才會當維持生命。這馬獅仔王拄著危險，我袂當做我走，按呢講袂得過，愛想辦法救伊才著。」

就按呢，狐狸想誠濟辦法欲來救獅仔王，伊覓來覓去，斟酌觀察（tsim-tsiok kuan-tshat）四箍輾轉了後，看著邊仔有塗堆。就隨共深坑內的獅仔王講：「這馬我欲共塗聊聊仔扒入去你遐，你小退後一點仔，等塗愈坵愈濟，你踏佇塗頂懸，才想辦法跳出來。」繼落來，狐狸就出力共塗扒入去深坑內底，等塗沓沓仔愈坵愈懸，獅仔王就對（ui）坑底跳出來。

獅仔王看狐狸因為傷過出力，四肢跛扒甲流血流滴，伊家已煞平安無事，規懽好好，特別感謝狐狸的救命之恩。狐狸講：「我只是想欲報答恁平常時的照顧，這無啥物啦！」這予獅仔

王真感動。

臺灣俗語講：「食果子拜樹頭；食米飯拜田頭。」狐狸恰獅仔王互相說謝，予人足感心的。想看覓，咱敢會像這隻狐狸全款，留落來救獅仔王，抑是會驚去予獅仔王拆食落腹，綴其他的狐狸同齊走？咱若是獅仔王，腹肚枵閣跋落深坑，枵甲強欲死，平安無代誌了後，看著一隻狐狸，會大喙共食落去止飢（tsí-ki），抑是誠心感謝狐狸的救命之恩呢？